

Gisela Polo di SVGA:

‘Mucha cu limitacion por splica ora e wordo abusa sexualmente’

ORANJESTAD – Problema di abuso sexual den comunidad ta un preocupacion pero tambe pa esnan cu por ta vulnerabel den comunidad. A puntra Stichting voor Verstandelijk Gehandicapten Aruba (SVGA) con ta haci si un mucha cu tin, por ehempel Down Syndrome, of cualkier otro limitacion, wordo abusa sexualmente.

Gisela Polo di SVGA a splica cu inclusion riba e tereno escolar, laboral, y como adulto mes ta nifica cu nan ta conta cu proteccion, loke ta hiba na e hecho cu, hopi biaha persona cu limitacion ta victima di abuso sexual.

A puntra Polo con un mucha cu limitacion por splica cu el a wordo abusa sexualmente. El a splica cu nan clientenan por splica precisamente kico a sosode cu nan; nan por splica kico e situacion ta y nan por muestra kico a tuma lugar durante e abuso, ‘kico a dren-ta aki y aya, unda el a wordo mish’.

E proceso ta bay manera cu-alkier otro, e ginecologo ta haci su investigacion pa asina bay polis, y confronta esaki cune. Claro tin comentario cu hende ta bisa ‘ken a bisa cu e persona cu limitacion mes a gusta’. Pero ta parti cu instancia di polis, dokter di cas y tur otro cu mester comprende.

Ta casonan cu ta pasa cerca nan, pero un cliente mes tin e capacidad di por splica detayadamente kico a pasa cu nan. Depende di e investigacion, si tin famia of conoci cu ta abusa di dje, e acto ta raporta na polis anto e proceso ta a sigui. Sinembargo, Polo

ta remarca cu nan guia na e fundacion conoce nan cliente bon y ta wak nan tur dia.

Si un dia nan ta ripara cu un mucha ta cambia su conducta of tin algun plekjes straño, ta acerca nan pa sa kico por a pasa. Tin biaha ta rekeri di ayudo specialisa. Anto e ora ey

ta haci investigacion canando e protocol pa yega na esey. “Logicamente e muchanan cu ta mas verbal por expresa nan mes mas mihó, pero esnan cu no por papia, ta difícil; nan ta mas vulnerabel. Nos tin cu wak nan capacidad y di eynan ta evalua kico e persona por haci den futuro.”

